



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. XXVI. Deum inveniri in se supra nos, dum veritatem ejus consulimus,
omnibus liquide respondentem.

urn:nbn:de:hbz:466:1-10120

memini, ex quo te didici; & in ea te invenio, cum recordor te.

N O T Æ.

- a *Ex quo te didici*) discimus Deum natura magistra cum ad rationis usum pervenimus; sed ea notitia admodum obscura est. Accedit ergo Magisterium fidei Christianæ, unde clarius nobis innotescit summum illud bonum.

C A P. XXVI.

Deum inveniri in se supra nos, dum veritatem ejus consulimus, omnibus liquide respondentem.

- I. **V**bi ergo te inveni, ut discerem te? Neque enim jam eras in memoria mea, a priusquam te discerem. Vbi ergo inveni te, ut discerem te, b nisi in te supra me? Et c nusquam locus, & recedimus, & accedimus, & nusquam locus. d Ubique veritas præfides omnibus consulentibus te, simulque e respondes omnibus, etiam diversa consulentibus. f Liquide tu respondes, sed non liquide omnes audiunt. Omnes, unde volunt, consulunt, sed g non semper, quod volunt, audiunt. Optimus minister tuus est, qui non magis intuetur hoc à te audire, quod ipse voluerit, sed potius hoc velle, quod à te audierit.

N O T Æ.

- a *Priusquam te discerem*) Non est Deus in mente & memoria nostra per notitiam claram, nisi fidei lumine illustremur. Sic S. D. non censuit se nosse Deum; nisi postquam fide magistra didicit, quis & qualis esset, ejusque cognitio ante infor-
mis

mis, & rudis, perficeretur lumine Catholicæ veritatis.

- b *Nisi in te supra me*) id est, cognovi Deum me & omnibus creaturis longe superiorem, in se solo acquiescere, & seipso beatum esse.
- c *Nusquam locus*) qui Deum claudat; nulli palatio aut sedi affixus est, ubique præsens, omnia implens; & tamen accedimus ad illum per gratiam & caritatem: recedimus per peccatum, non spatiis locorum, sed distantia bonitatis & malitiæ.
- d *Ubique veritas præsidet*) ubique Deus audit preces eorum, qui ipsum consulunt pro veritate agnoscenda, per desideria & orationes serias, ut fecit Augustinus,
- c *Respondes omnibus*) per instinctus bonos & salutare cogitationes: *bonum esse faciendum, malum fugiendum*, (*Etiã diversa consulentibus*) quia alius aspirat ad divitias, alius ad honores, alius ad voluptates, alius ad hæc omnia, aut pleraque: his omnibus Deus respondet eadem, nempe *Vanitas vanitatum, & omnia vanitas*.
- f *Liquide tu respondes*) satis clare, quod testatur conscientia peccatis obmurmurans, (*sed non liquide omnes audiunt*) tumultu passionum suarum impediti.
- § *Non semper, quod volunt, audiunt*) quia pravis affectibus impediti alia volunt, quam Deus præcipit, & illos velle vult.

V S V S.

Ex his principiis illud emergit, ut qui serio ad Deum converti vult cum S. Augustino, voluntatem suam divinæ conformet: magisque credat decere servum velle, quod Domino placet, quam ut Domino placeant, quæ servo placent, sic erit optimus Dei minister.

C A P.